

四庫全書

集部

欽定四庫全書

集部

漢魏六朝百三集卷九十八

詳校官庶吉士臣謝恭銘

主事銜臣徐以坤覆勘

總校官檢討臣何思鈞

校對官編修臣祖之望

謄錄監生臣蕭肇鵬

欽定四庫全書

漢魏六朝百三家集卷九十八

梁劉孝威集題詞

劉士章文章談義領袖後進七子三女多擅才
學孝綽品藻羣弟嘗云三筆六詩三謂孝儀六
謂孝威也第五弟孝勝第七弟孝先無預焉侯
景寇亂孝儀遣子入援身受賊逼失郡病亡孝
威困躓危城自拔得出崎嶇西上亦抱疾不起

假使時清國晏兄弟連騎續玄圃之舊遊領高
齋之述作扶風世業鄴苑清吟重篇大帙必偉
觀聽而長鯨疾驅逝死不暇林焚池竭遺章濶
如就所披涉則孝儀筆勝孝威詩勝伯兄之言
良不謬也士章掌齊詔誥孝綽年十四輒使代
草父子相知異於謝方明之有謝惠連然士章
知子孝綽知弟二者固並美天倫焉

目錄

啓

謝賚宮紙啓

謝賚錦被啓

謝勅賚畫屏風啓

謝賚熊白啓

謝東宮賜聖僧餘饌啓

謝東宮賜淨饌啓

謝晉安王賜婚錢啓

謝東宮賚炭啓

謝東宮賚鹿脯等啓

謝東宮賚藕啓

為皇太子謝勅賚功德馬啓

謝南康王饌牛啓

書

謝賚林檎書

贊

辟厭青牛畫贊

正旦春雞贊

樂府

隴頭水

驄馬驅

公無渡河

塘上行苦辛篇

東西門行

怨詩

採蓮曲

小臨海

思歸引

妾薄命篇

鬪雞篇

結客少年場行

行行且遊獵篇

崔乳空井中

半渡溪

獨不見

行幸甘泉宮歌

箜篌謠

驄馬驅

和王竟陵愛妾換馬

擬古應教一首

鷄鳴篇

烏生八九子

蜀道難

詩

重光詩

侍宴樂遊林光殿曲水

奉和簡文帝太子應令

三日侍皇太子曲水宴

奉和六月壬午應令

登覆舟山望湖北

帆渡吉陽洲同孝儀賦

出新林

鄒縣遇見人織率爾寄婦

侍宴賦得龍沙宵明月

奉和晚日

和皇太子春林晚雨

行還值雨又為清道所駐

望雨

苦暑

奉和逐涼

望樓烏

和簡文帝卧疾

賦得曲澗

奉和湘東王應令二首

春宵

冬曉

詠織女

七夕穿針

九月酌菊酒

賦得鳴蟬應令

和定襄侯初筭

古體雜意

詠佳麗

望隔牆花

枯葉竹

和簾裏燭

詠剪綵花

楔飲嘉樂殿詠曲水中燭影

賦得香出衣

漢魏六朝百三家集卷九十八目錄

欽定四庫全書

漢魏六朝百三集卷九十八

梁劉孝威集

啓

謝賚宮紙啓

臣與謝朏俱慙具聖臣之衝梯實愧魯般之巧朏之城
壘特無禽子之守攻弱侮亡其勞甚薄策勲行賞為渥

明
張溥
輯

過隆雖復鄴殿鳳銜漢朝魚網平準桃花中宮穀樹固
以慙茲靡滑謝此鮮華

謝賚錦被啓

色豔蒲桃采踰聯璧鄂君慙繡楚侍羞珠雖復帝賜鶴
綾客贈駕綺高懸麗藻遠謝鮮明漢老悅其怪文魏馬
驚其香氣

謝勅賚畫屏風啓

昔紀亮所隔惟珍雲母武秋所顧止貴琉璃豈若寫帝

臺之基拂崑山之碧畫巧吳筆素踰魏賜馮商莫能賦
李尤誰敢銘

謝賚熊白啓

竊以館有射熊之名臺無走狗之號上林絕胡人之搏
禁地無張京之犯而突出羽川來攀御檻光踰厚壁殆
惑朱公之價色麗燭銀將堪穆王之寶

謝東宮賜聖僧餘饌啓

齊桓柏寢之器周穆軒宮之寶乳糜香飯素糝糗漿五

杏七桃靈瓜仙棗莫不氣馥上天薰流下界石崇芳果
金谷僅於萬株陳湯木滋杜陵幾於千樹猶自高謝珍
奇多慙品族

謝東宮賜淨饌啓

靡獻牛牧飯出龍宮千品甘露之食百花珍藥之果餅
兼髓乳漿苞蔗糝雕盤流其滋旨寶器委其包香足使
五世長者羞彼識味一角仙人恥其呪術微物多幸叨
奉曲恩性命可捐殊私難答

謝晉安王賜婚錢啓

孝威問吉已通請期有日而賢夫之譽多愧張耳非壻之才偶同王粲賸言前事良以自羞曲降隆慈俯垂珍錫便使禽贄獲舉纁幣有資佩服寵靈頒越非報

謝東宮賚炭

洛城雪深不見海神之跡滹沱冰合無待王霸之覲聚而為岳大壯黑山稱之以舩將重牙獸鑪生烽燄室滿紅光雉裘入而識奢鼠布焚而無汚

謝東宮賚鹿脯等啓

上林絕胡人之搏禁地無張京之犯而猶有班超游獵
李廣馳射遠歸於厨吏入貢於腊人形圖三事之車影
入九仙之鏡

謝東宮賚藕啓

色華玉樹味奪瓊漿根出楊池聞之僅約子為靈散得
自莊篇楚后江萍秦公海棗凡厥水羞莫敢相輩

為皇太子謝勅賚功德馬啓

伏惟忘我狗物屈己濟民該天地而大捨總日月而為
施既脫輓於金輪又解驂於紺馬出余吾之水服駒駉
之廐名高夏后之龍價倍田方之贖謹當秣以柏葉飴
以丹棗加之玉鞍飾之金絡

謝南康王饌牛啓

雖復蜀守神牛秦公怒特穆王白角何氏瑩蹄無以逾
其勁力邁其致遠直宿九重獲免疏步路休三逕且息
徒行從祀甘泉方無假於丞相騎至清廟又永笑於博

陽

書

謝賚林擒書

勇聞齊國止錫二桃遠至仙方裁蒙數棗豈如恩豐漢
篋賜廣魏奩姁女數而僅通筭郎計而方得生於玉井
之側出自金膏之地上靈所貴下土希逢

贊

辟厭青牛畫贊

泰山怒特吳渚神牛氣噓風噴精迴電流詎牽和鞅不
入裴鞦犂力難京肆怒橫行朗陵瑩角介葛瞻聲遁仙
託稱妖寇馮名名震八區威陵五都蓄勇槽側息憤場
隅仇覽獻豆膝嬰進芻雄兒楷式悍士規模曹興拂采
徐邈成圖

正旦春雞贊

寶雞陳倉祠光表神雄飛帝漢雌飛霸秦排膺激怒礪
翅張瞋電鞭失焰雷車折輪助標魏教擅場齊珍名流

晉戟歌傳漢臣竊脂善盜搏穀難馴綠鸚智淺蒼鷹害
深兼姿五德歸於翰音

樂府

隴頭水

從軍戍隴頭隴水帶沙流時觀胡騎飲常為漢國羞
妻成兩劍殺子祀雙鉤頓取樓蘭頭就解郅支裘勿令

如李廣功多遂不酬

一作功遂
不封侯

驄馬驅

十五宮期門二十屯邊徼犀羈玉鏤鞍寶刀金錯鞘一
隨驄馬驅分受青蠅弔且令都護知願被將軍照誓使
氊衣鄉掃地無遺噍

公無渡河

請公無渡河河廣風威厲檣偃落金烏舟傾沒犀柹紆
蓋空嚴祠白馬徒生祭銜石傷寡心崩城掩孀袂劍飛
猶共水魂沉理俱逝君為川后臣妾作江妃娣

塘上行苦辛篇

蒲生伊何陳曲中多苦辛黃金坐銷鑠白玉遂縑磷裂
衣工毀嫡掩袖切讒新嫌成跡易已愛去理難申秦雲
猶變色魯日尚迴輪妾歌已腸斷君心終未親

東西門行

此似應詔
餞贈之作

廣津寒欲歇聯檣密纜收天高匝近岫江濶少方舟
餞淚留神眷離歎切私儔佇變齊兒俗當傳楚獻囚徒然
頌並命祗慙思如抽

怨詩

退寵辭金屋見譴斥甘泉枕席秋風起房櫳明月懸燭
避窓中影香迴爐上煙丹庭斜草徑素壁點苔錢歌起
蒲生曲樂奏下山絃新聲昔廣宴餘杯今自傳王嬙向
絕漢宗女入祈連鴈書猶未返馬角無歸年昭臺有滕
御曾坂無棄捐後薪隨復積前魚誰更憐

採蓮曲

金漿木蘭船戲採江南蓮蓮香隔浦渡荷葉滿江鮮房
垂易入手柄曲自臨盤露花時濕釧風莖乍拂鈿

小臨海

碣石望山海留連降尊極秦帝枉鉤陳漢家增禮秩石
橋終不成桑田竟難測蜃氣遠生樓鮫人近潛織空勞
帝女填詎動波神色

思歸引

胡地憑良馬懷驕負漢恩甘泉烽火入回中宮室燔錦
車勞遠駕繡衣疲屢奔貳師已喪律都尉亦銷魂龍堆
求援急狐塞請先屯櫪下驅雙駿腰邊帶兩鞬乘障無

期限思歸安可論

一作言

妾薄命篇

去年從越障今歲沒胡庭嚴霜封碣石驚沙暗井陘玉
簪久落鬢羅衣長挂屏浴蠶思漆水條桑憶鄭垞寄書
朝鮮吏留釧武安亭勿言戎夏隔但令心契冥不見豐
城劍干祀復同形

鬪雞篇

丹雞翠翼張妬敵復專場翅中含芥粉距外耀金芒氣

踰上黨烈名貫下韓良祭橋愁魏后食跖忌齊王願賜
淮南藥一使雲間翔

結客少年場行

少年本六郡遨遊遍五都挿腰銅匕首障日錦屠蘇驚
羽裝銀鍬犀膠飾象弧近發連雙兔高彎落九烏邊城
多警急節使滿郊衢居延箭箠盡疎勒井泉枯正蒙都
護接何由憚險途千金募惡少一揮擒骨都勇餘聊蹴
踰戰罷暫投壺昔為北方將今為南面孤邦君行負弩

縣令旦前驅

行行且遊獵篇

之果講射所上林娛獵場選徒驕楚客召狩誇胡王
車已戒道風鳥復起行伙飛具增繳材官命蹶張高
且掩月兔勁矢射天狼蹠地不遑逸排虛豈及翔日
暮勾陳轉風清鏡吹颺歸來宴平樂寧肯滯禽荒

雀乳空井中

晉傅玄詩曰鵲巢丘
城側雀乳空井中

遠去條支國心知漢德休

一作優

聊栖丞相府過令黃霸

羞挾子須閑地空井共尋求轆轤絲綆絕桔槔冬蘇周
將憐羽翼張誰辭各背遊

半渡溪

本廁偏伍伴一戰殄凶渠制賜文犀節驛報紫泥書入
營陳御蓋還家乘紫車皇恩知己重丹心恨不紆渡瀘
且不畏凌溪嗟有餘

獨不見

夫婿結纓簪偏蒙漢寵深中人引卧內副車遊上林綬
染瑯琊草蟬鑄武威金分家移甲第留妾住河陰獨寢
鴛鴦被自理鳳凰琴誰憐雙玉筋流面復流衿

行幸甘泉宮歌

漢家迎夏畢避暑甘泉宮棧車鳴里鼓駟馬駕相風校
尉烏桓騎待制樓煩弓後旌猶五柞前笳度九峻才人
豹尾內御酒屬車中輦迴百子閣扇動七輪風鳴鍾休
衛士披圖召後宮材官促技獵涼秋一作秋來戲射熊

筌篋謠

結交在相得骨肉何必親
甘言無忠實世薄多蘇秦
從風暫靡草富貴上升天
不見山巔樹摧圯下為薪
豈甘井中泥上出作埃塵

一云時至
出作塵

驄馬驅

翩翩驄馬驅橫行復斜趨
先救遼城危後拂燕山霧
風傷易水湄日入隴西樹
未得報君恩聯翩終不住

和王竟陵愛妾換馬

驄馬出樓蘭一步九盤桓小吏贖金絡良工送玉鞍龍
驂來甚易烏孫去實難麟膠妾猶有請為急弦彈

擬古應教一首

七言 樂府作孝威詩題云東
飛伯勞歌英華作簡文帝非也

簡文別
有二首

雙棲翡翠兩鴛鴦平雲洛月乍相望誰家妖冶折花枝
蛾眉曼睂使情移青鋪綠璫琉璃扉瓊筵玉筍金縷衣
美人年幾可十餘含羞轉笑斂風裾珠丸出彈不可追
空留可憐持與誰

鷄鳴篇

以下雜言
藝文作簡文帝

埀鷄識將曙長鳴高樹巔
啄葉疑彰羽排花彊欲前
意氣多驚舉飄揚獨無侶
陳思助鬪協狸膏
邵昭妬敵安金距
丹山可愛有鳳凰
金門飛舞有鴛鴦
何如五德美豈勝千里翔

烏生八九子

城上烏一年生九雛
枝輕巢本狹風多葉早枯
毳毛不自暖張翼強相呼
金析嚴兮翠樓肅
蜃壁光兮椒泥馥

虞機衡網不得施猜鷹鷺隼無踪逐永願共棲曾氏冠
同瑞周王屋莫啼城上寒猶賢野中宿羽成翮備各西
東丁年賦命有窮通不見高飛帝輦側遠託日輪中尚
逢王吉箭猶嬰后羿弓豈如變彩救燕質入夢祚昭一作
周公流聲表師退集幕示營空靈臺已鑄像流蘇時候
風

蜀道難

玉壘高無極銅梁不可攀雙流逆熾道九坂滋陽關鄧

侯策馬度王生斂轡還斂轡懼身尤叱馭奉王猷若恠
千金重誰為萬里侯戲馬吞珠界揚舲濯錦流沉犀厭
怪水握鏡表靈丘禺山金碧有光輝遷亭車馬尚輕肥
彌想王褒擁節反更憶相如乘傳歸君平子雲聞不嗣
江漢英靈信已衰

詩

重光詩

并序
以下四言

重光儲后宣制義也

赫赫重光明明二聖帝作儲述禮和樂正中衢置樽高
堂懸鏡其酌不窮其明逾盛德音孔昭民胥攸詠明明
二聖赫赫重光風神灑落容止汪洋瞻彼談扇載抑載
揚何斯天辯如圭如璋顏閔函席游夏升堂以卿以士
惟公惟王思媚儲君顧哉樂康芄芃黍苗陰雨膏之詵
詵纓冕儲王導之道之以禮齊之以仁禮則探聖言則
窮神訓於四國覃於萬民

侍宴樂遊林光殿曲水

蒸哉軒頊赫矣堯心女媧補石重華紱一作棄金湯羅禹

扇羲瑟農琴皇乎備矣受命君臨試舟五反和樂九成

鈎楯秘戲協律新聲丹杯水激縫彩葩榮天吳還往海

若逢迎

奉和簡文帝太子應令

以下
五言

太子天下本元良萬國貞周朝推上嗣漢代紀重明前
星涵瑞彩洊雷揚遠聲三善傳樂正百行紀司成九流
遍已辨七經成所精博聞強子政高才陵長卿禮尊逾

屈己德盛益卑情仙氣貽

一作胎

鍾相儒道推桓榮延賢

博望苑視膳長安城園綺隨金輅浮丘侍玉笙
智囊前斂笏端士後垂纓九仙良所重四海更誰傾
班輸同策乘甲館齊蓬瀛

三日侍皇太子曲水宴

二龍巡夏代八駿馭周朝豫遊光帝則樂飲盛民謠
皇儲遵洛禊濫觴追灞橋掌祓開神籙司馬動鑾鑣
周旗交采眊晉鼓雜清簫旌宮臨廣隰藻衛爍巖椒
蘭樽沿

曲岸靈若沂迴潮

奉和六月壬午應令

玄圃棲金碧靈澗挹琨瑤築山圖碣岫穿池控海潮雷
奔石鯨動水濶牽牛遙乘龜猶却渡鞭石詎成橋岸崩
下生窟壁峭上干霄噪蛙常獨沸游魚或自跳荒徑橫
臨浦空舟斜挿橈愁鴟集古樹白鷺隱青苗神心重丘
壑散步懷漁樵石累元卿徑枝挂許繇瓢伊臣本寂寞
繇來畏市朝為貪止山水所競惟逍遙寄言周伯況勞

君擅縠綃

登覆舟山望湖北

紫川通太液丹岑連少華堂皇更隱映松灌雜交加
荇蒲浮新葉漁舟繞落花浴童爭淺岸漂女擇平沙
極望傷春日迴車歸狹斜

帆渡吉陽洲同孝儀賦

江風

一作潮

凌曉急鉦鼓候晨催幸息榜人唱聊望高帆

開聯村倏忽盡循汀俄頃回疑是傍洲退似覺前山來

將與圖南競誰與勞沂泗

出新林

芒山眊洛邑函谷望秦京遙分承露掌遠見長安城故

鄉已可識遊子必勞情霧罷前林見

一作曠

風息涌川平

坐觀暮潮落漸見夕煙生無由一羽化徒想御風輕

郟縣遇見人織率爾寄婦

妖姬含怨情織素起秋聲度梭環玉動踏躡珮珠鳴經
稀疑杼溢緯斷恨絲輕葡萄始欲罷鴛鴦猶未成雲棟

共徘徊紗窻相向開窻疎眉語度紗輕眼笑來籠籠隔
淺紗的的見粧華鏤玉同心藕一作帶雜寶連枝花紅衫

向後結金簪臨鬢斜機頂挂流蘇機傍垂結珠青絲引
伏兔黃金繞轆轤豔彩裙邊出芳脂口上渝百城交問
遺五馬共踟躕直為閨中人守故不要新夢啼漬花枕
覺淚濕羅巾獨眠真自難重衾猶覺寒逾憶凝脂緩彌
想橫陳歡行驅金絡騎歸就城南端城南稍有期想予
亦勞思羅衣久應罷花釵堪更治新粧莫點黛余還自

畫眉

侍宴賦得龍沙宵明月

鵲飛空繞樹月輪殊未圓
嫦娥望不出桂枝稍隱殘
落照移樓影浮光動塹欄
樵馬悲笳吹城烏啼塞寒
傳聞機杼妾愁余衣服單
當秋絡已脆銜啼織復難
斂眉雖不樂舞劍強為歡
請謝函關吏行當封一丸

奉和晚日

虬簷挂珠箔虹梁卷霜綃
迷迭涵香長芙蓉逐浪搖
飛

輪搏羽扇翻車引落潮甘泉推激水迎風慙遠颺寄言
王待詔因聲張子僑吾君安已樂無勞誦洞簫

和皇太子春林晚雨

雲樹交為密雨日共成虹雷舒長男氣枝搖少女風葉
珠隨滴水簷繩下溜空蝶濡飛不颺花沾色更紅明離
信養德能事畢春宮誰堪偶鳳吹唯有浮丘公

行還值雨又為清道所駐

齊楚磐石貴韓吳異姓王俱乘早朝罷相隨出建章喧

呼驚里閑叫吡駭康莊阜騶同隼擊青棠似鷹揚掖門
南北遠複道東西長旂旗爭絡繹官騎鬱相望微風生
榮傳輕雨潤帷裳油衣分競道小蓋列成行八舍便繁
密五營輿服光迴車避司隸俄軒揖內郎況余白屋士
自依卑路傍日月雖臨照仄陋難明敷早榮羞日及晚
知慙豫章徒抱凌雲志終愧摩天翔安能久淪辱圖南
會有方

望雨

清陰蕩暄濁飛雨入階廊
瞻空亂無緒望雷耿成行
交枝含曉潤雜葉帶新光
浮芥離還聚沿漚滅復張
浴禽飄落毳風苻散餘香
璫綃挂繡幕象簾列華牀
侍童拂羽扇厨人奉盥漿
寄言楚臺客雄風詎獨涼

苦暑

暮日苦炎溽遷坐接階廊
月麗姮娥影星含織女光
棲禽動夜竹流螢出閨牆
香盤糝鮮粉雕壺承玉漿
白羽徒垂握綠水自周堂
弱紈猶覺重纖絺尚少涼
弄風思

金匱要略卷之八
漢朔戲雨憶吳王玄冰術難驗赤道漏猶長誰能更吹
律還令黍谷涼

奉和逐涼

鐘鳴夜未央避暑起徬徨長河似曳素明星若散璫倚
巖欣石冷臨池愛水涼月纖張敞畫荷妖韓壽香對此
遊清夜何勞娛洞房

望樓烏

夕鳥飛參差單雄雜寡雌聯翩歸葉裏出沒噪林垂爭

棲時易樹驚飛忽度枝雖無繫書重亦有含纓疲以茲
憔悴力重逢輕薄兒珠丸蘇合彈金繳青絲縻豈意翩
翹羽遂免更羸危入懷欣得地依林竊願知

和簡文帝卧疾

玉躬耗寒暑羣望崇珪璧仁祀盛黃繅禮壇優紺席億
均楚疾愈俄同宋年益豈勞誦賦臣寧用觀濤客

賦得曲澗

澗流急易轉溪竹暗難開近樓俄已失前洲忽復迴石

岸生寒蘚沈根漬水苔菱舟失道去歸鳬迷徑來

奉和湘東王應令二首

春宵

花開人不歸節暖衣須變迴釵挂反環拭淚繩春線今
夜月輪圓胡兵必應戰

冬曉

妾家邊洛城慣識曉鐘聲鐘聲猶未盡漢使報應行天
寒硯冰凍心悲書不成

詠織女

玉臺初學
作孝儀

金鈿已照耀白日未蹉跎欲待黃昏至含嬌度淺河

七夕穿針

和簡
文

縷亂恐風來衫輕羞指現故穿雙眼針持縫合歡扇

九月酌菊酒

露花疑始摘羅衣似適薰餘杯度不取欲持嬌使君

賦得鳴蟬應令

雜扇雖俱斂交行忽自分轉袖時繞腕揚履自開裾

和定襄侯初筵

合鬟仍昔髮畧鬢即前絲從今一梳罷無復更縈時

古體雜意

朝日大風霜寄事足交傷葉落枝柯淨常自起綦張

詠佳麗

可憐將可念可念直千金唯言有一恨恨不遂人心

望隔牆花

隔牆花半隱猶見動花枝當由美人摘詎止春風吹

枯葉竹

枯楊猶更綠卧柳尚還生勿嫌鳳不至終當待聖明

和簾裏燭

開闌簾影出參差風焰斜浮光燭綺帶凝滴汗垂花

詠剪綵花

葉舒非漸大花發是初開無論人訝似蜂見也爭來

楔飲嘉樂殿詠曲水中燭影

七言

火浣花心猶未長金枝密焰已流芳芙蓉池畔涵停影

金匱要略卷之二十八
桃花水脈引行光

賦得香出衣

雜言

香出衣步近氣逾飛博山登高用鄴錦含情動靨比洛
妃香纓麝帶縫金縷瓊花玉勝綴珠徽蘇合故年微恨
歇都梁路遠恐非新猶賢漢君芳千里尚笑荀令止三
旬

漢魏六朝百三家集卷九十八

欽定四庫全書

漢魏六朝百三家集卷九十九

庾肩吾集題詞

庾幼簡志性恬靜風齊臺尚長子子貞孝感北
辰次子介清重洗馬一家行義誠足與劉子珪
明休烈同傳子慎後出文采尤高子山繼之宮
體競貴子每讀八關齋夜賦詩深羨少庶府君
能陪帝子又恠一時彥聚城門高唱何偏以病

老死沙門為題臺城不祥若有先識焉子慎避
難入東後始還家遺文鮮少唐李長吉所為作
還自會稽歌以補其悲也南史又云宋子仙破
會稽購得子慎欲殺之賴作詩以免夫高齋抄
撰龍樓應敎學士職也亡命江海文焉有罪猶
借資七步幸脫劒鋌盜亦能憐才士哉東宮賞
遇時共聯詠湘東誌墓稱為瑚璉其知子慎實
深論文一書謂有踦蹠必不然矣書品序論王

光祿荅齊太祖類也若在梁時則與鍾仲偉詩
評同行天壤乎

目錄

表

為寧國公讓中書表

為南康王讓丹陽尹表

章

為武陵王拜儀同章

啟

謝厯日啟

謝賚銅硯筆格啟

謝賚粳米啟

謝賚菱啟

謝賚黎啟

謝賚橘啟

謝賚林檎啟

謝賚朱櫻啟

謝賚檳榔啟

謝東宮賚檳榔啟

謝東宮賚米啟

謝東宮賚粟啟

謝東宮賜宅啟

謝東宮示古跡啟

謝東宮賚內人春衣啟

謝湘東王賚米啟

答湘東王賚粳米啟

謝湘東王賚米啟

謝湘東王賚柑啟

答武陵王賚絹啟

謝武陵王賚白綺綾啟

答陶隱居賚朮煎啟

答陶隱居賚朮蒸啟

答餉綾紋啟

謝炭啟

序

書品序

書品後序

論

書品論一

書品論二

書品論三

書品論四

書品論五

書品論六

書品論七

書品論八

書品論九

銘

團扇銘

玉帳山銘

樂府

長安有狹斜行

賦得有所思

有所思

洛陽道

賦得橫吹曲長安道

愛妾換馬

隴西行

未央才人歌

詩

侍宴應令

侍宴宣猷堂應令

侍宣猷堂宴湘東王應令

侍宴餞湘州刺史張纘

侍宴錢張孝總應令

三日侍蘭亭曲水宴

九日侍宴樂游苑應令

從皇太子出玄圃應令

奉和泛舟漢水往萬山應教

山池應令

奉使北徐州參丞御

和衛尉新渝侯巡城口號

遊甌山

疏圃堂應詔

尋周處士弘讓

賦得嵇叔夜

和太子重雲殿受戒

詠同泰寺浮圖和簡文帝

奉和賽漢高廟

亂後經夏禹廟

亂後行經吳郵亭

經陳思王墓

過建章故臺

和劉明府觀湘東王書

和竹齋

從駕喜雨

奉和春夜應令

奉和武帝苦旱

奉和太子納涼梧下應令

芝草

詠美人

送別於建興苑相逢

侍宴

侍宴餞湘東王應令

餞張孝總應令

侍宴餞東陽太守蕭子雲

和晉安王薄晚逐涼北樓回望應教

贈周處士

新林送劉之遴

奉使江州舟中七夕

南苑看人還

詠美人看畫應令

奉和樂名詩

看放市

和望月

和徐主簿望月

詠風

詠雪花

春日

七夕

歲盡應令

賦得山

同蕭左丞詠摘梅花

和晉安王詠燕

詠胡牀應教

暮遊山水應令賦得磧字

奉和湘東王應令二首

春宵

冬曉

詠簾燕

奉賀便省餘秋

被使從渡江

登城北望

道館

賦得轉歌扇

詠舞

詠舞曲應令

詠主人少姬應教

詠長信宮中草

石崇金谷妓

遠看放火

舟中寒望

石橋

詠桂

賦得池萍

新苔

被執作詩

三日侍宴詠曲水中燭影

聯句

曲水聯句

八關齋夜賦四城門更作四首

第一賦韻東城門病

南城門老

西城門死

北城門沙門

第二賦韻東城門病

南城門老

西城門死

北城門沙門

第三東城門病

南城門老

西城門死

北城門沙門

第四東城門病

南城門老

西城門死

北城門沙門

漢魏六朝百三家集卷九十九目錄

欽定四庫全書

漢魏六朝百三家集卷九十九

明 張溥 輯

庾肩吾集

表

為寧國公讓中書表

臣聞陟彼太行伯后之車屢怠望茲吳坂少游之馬難
躋是知美非流水立致推轂駿靡浮雲便期頓轡起登

天漢寧培九萬之風坐濟星橋非使千年之翼豈有幼
稱辯慧足對元禮弱標俊穎能嘲子叔玉重組長空見
休寵深宮邃宇孰知懷憂

為南康王讓丹陽尹表

臣聞劍鏤七星非有司天之用簾圖五嶽寧識崇朝之
雲是知策彼泥龍不能令其逐日乘斯流馬安可使其
奔電方今振鷺盈庭白駒空谷惟帝念功惟明克允君
子之國幸聞其讓石門之水獲免于貪

章

為武陵王拜儀同章

臣宅慶紫霄聯休皇極地均指日既無跡而成高仕若
乘風故不行而自遠今者四郊無壘天下同文都尉春
田猶居塞外單于冬獵不入漁陽臣坐牧三邊非勞士
戰豈能屯兵大夏封萬里之侯飛箭遠城受千金之壽
論其才望有懼茂弘先佩印綬常差叔度

啟

謝厯日啟

凌渠所奏弦望既符鄧平之言錙銖皆合登臺視朔覩雲物之必書拂管移灰識權衡之有度初開卷始暫謂春留未覽篇終便傷冬及裴回厚渥比日為年

謝賚銅硯筆格啟

煙磨青石已踐孔氏之壇管挿銅龍還笑王生之壁西域胡人卧織成之金簾游仙童子隱芙蓉之行郭莫不並出梁園來頒狹室

謝賚粳米啟

出梁國之闕租
魚水陸之殊品
伊尹說而不至
石崇豪所未及
遇處嘿之得賓
同苻朗之舉著
長河可塞上德
無酬

謝賚菱啟

上林紫水雜蒹藻而俱浮
雲夢清池間芙蓉而外發
珍踰百味來薦畫盤
恩重金遂沾菲蓆
凌霜朱橘愧此
開顏含露蒲桃慙其不餉

謝賚梨啟

睢陽東苑子園三尺新豐箭谷枝懸六斤未有生因粉
水產自桐丘影連鄧橘林交苑柿遠薦中厨爰頒下室事
同靈棗有願還年恐似仙桃無因留核

謝賚橘啟

光分璇宿影接銅峰去青鳥之迢遞服朱闥之爽塏楚
原洪筆頌記不遷陳王麗藻賦稱遙植昔朝歌季重纔
賜海魚大理元常止蒙秋菊

謝賚林檎啟

丹徒故苑歲綿長而不見岷山舊植路重阻而來難未
有徙核圓丘移根閭坂仙厨始摘猶堆青玉之盤下賤
爰頒遂入抽蒲之座

謝賚朱櫻啟

成叢殿側猶連制賦之條結實西園非復粘蟬之樹異
合浦之歸來疑藏朱實同秦人之逐彈似得金丸

謝賚檳榔啟

形均綠竹詎掃山壇色譬青桐不生空井事踰紫柰用
蕪芳菊方為口實永以蠲痼

謝東宮賚檳榔啟

無勞朱實蕪荔支之五滋能發紅顏類芙蓉之十酒登
玉案而上陳出珠盤而下逮澤深溫柰恩均含衆

謝東宮賚米啟

渚水鳴蟬香聞七里瓊山合穎租歸十縣肩吾人慙振
藻徒降雲間之松職濫更繁空撤家丞之俸成珠委地

事重逢仙游玉為糧珍踰入楚雖復激水滄流不待監
河之說春風掃地方誚文學之篇

謝東宮賚粟啟

查或火成鑽以為屑柰稱剪用曝而成糗未若北燕巨
實用奪榮枯南國脯山翻慙齒決承恩踴躍對聞喜之
河念報屏營問知來之息

謝東宮賜宅啟

肩吾居異道南才非巷北流寓建春之外寄息靈臺之

下豈望地無湫隘里號乘軒巷轉幡旗門容幘盖况乃
交垂五柳若元亮之居夾石雙槐似安仁之縣却瞻鍾
阜前枕洛橋池通西舍之流窻映東鄰之棗來歸高里
翻成待封之門夜坐書臺非復通燈之壁才下應王禮
加溫阮官成名立無事非恩

謝東宮示古跡啟

竊以仙巖遺傳八握成塵孔壁藏文隨開已壺石書有
暗厨畫猶飛豈有跡經四代年踰十紀芝英雲氣之巧

未殞松鉛鵲反鸞驚之勢不侵蒲竹必使酒肆人來池
流色變將損北海之牘還代西河之簡

謝東宮賚內人春衣啟

階邊細草猶推綏葉之光戶前桃樹反訝藍花之色遂
得裾飛合鸞領闢分鸞試顧採薪皆成留客

謝湘東王賚米啟

味重新城香踰滂水連舟入浦似彥伯之南歸積地為
山疑馬援之西至不待候沙同新渝之再熟無勞拜石

均遼倉之重滿前恩未遠次渥仍流墨翟假以故書裴
楷暫其國賜

答湘東王賚粳米啟

竊以農夫力耕時逢儉歲疎賤時澤必取豐年秌斛瀉
珠嘉聞陶量翻庭委玉欣見馬圖

謝湘東王賚米啟

竊以月滿則虧恩來無壘海潮雖大萬江恒注遂使連
箱委地不殊陽翟盈倉接宇寧異海陵

謝湘東王賡柑啟

傳名地理遠自武陵之洲族茂神經遙聞建春之嶺王
逸為賦取對荔枝張衡制辭用連石蜜足使萍實非甜
蒲萄猶餽

答武陵王賡絹啟

肩吾啟蒙賡絹二十疋清河之珍丘園慙其束帛關東
之妙潛織陋其卷綃下官謬忝扁舟暫瞻還旆而天人
渥眄增餘論之榮江漢安流無沿洄之阻遂使鶴露宵

凝輕締立變雁風朝急治服成溫有謝筆端無辭陳報
不任下情謹奉啓事謝聞謹啓

謝武陵王賡白綺綾啓

圖雲緝鶴鄴市稀逢寫霧傳花叢臺罕遇雖徂馬均騁
思比巧猶慙虞卿受金方恩未重比扁舟獨反燕路有
心載寶言歸銜珠無日

答陶隱居賡朮煎啓

竊以綠葉抽條生於首峰之側紫花標色出自鄭巖之

下百邪外禦六府內充山精見書華神在錄木榮火謝
盡採擷之難啟旦移申窮淋漉之刺故能競爽雲珠爭
奇水玉自非身疲掌硯役倦攀桃豈可立致還年坐生
羽翼臨沅丹井方覺可捐鄴縣菊泉無勞復汲庶得遨
遊海岸追涓子之塵馳驚霍山共陳王為侶謠俗輕施
尚曰難酬出世鴻恩寧知上報

答陶隱居賁木蒸啟

味重金漿芳踰玉液足使芝慙明麗丹愧芙蓉坐致延

生伏深銘戴

答餉綾紋啟

潔同雪霜華踰紵綺長裾可曳無愧王門之賓廣袖將裁翻有城中之製

謝炭啟

識慙曼倩似見昆明之灰清愧伯鸞不復因人之熱

序

書品序

玄靜先生曰予遍求邃古逖訪厥初書名起于玄洛字
勢發于倉史故遺結繩取諸文象諸形會諸人事未有
廣此緘縑深茲文契是以一書加大天尊可知二力增
土地卑可審日以君道則字勢圓月以臣輔則文體缺
及其轉註假借之流指事會意之類莫不狀範毫端形
呈字表開篇玩古則千載共朝削簡傳今則萬里對面
記善則惡自削書賢則過必改玉厯頒正而化俗帝教
陳言而設教變通不極日用無窮與聖同功參神並運

爰泊中葉舍繁從省漸失潁川之言竟逐雲陽之字若
乃鳥跡孕于古文壁書存于科斗符陳帝璽摹調蜀漆
署表宮門銘題禮器魚遊舍鳳鳥已分蟲仁義起于麒
麟威形發于龍虎雲氣時飄五色仙人還作兩童龜若
浮溪蛇若赴穴流星疑燭垂露似珠芝英轉車飛白掩
素參差倒薤既思種柳之謠長短懸針復想定情之製
蛟脚傍低鵠頭仰立填飄板上謬起印中波回墮鏡之
鸞楷顧雕陵之鵲並以篆籀重複見重昔時或巧能售

酒或妙令鬼哭信無味之奇珍非趨時之急務且具錄
前訓今不復兼論惟草正疏通專行於世其或繼之者
雖百代可知尋隸體發源秦時隸人下邳程邈所作始
皇見而重之以奏事繁多篆字難製遂作此法故曰隸
書今時正書是也草聖起於漢時解散隸法用以赴急
本因草創之義故曰草書建初中京兆杜操始以善書
知名今之草書是也余自少迄長留心茲業澡手謝於
臨池銳意同於削板而巖山之扇竟未增華凌雲之臺

無因誠子求諸故迹或有淺深輒刪善草隸者一百二十一人伯英以稱聖居首法高以追駿處末推能相越小例而九引類相附大等而三復為略論總名書品

書品後序

今以九例該此衆賢猶如玄圃積玉炎洲聚桂其中實相推謝故有茲多品然終能振此鱗翼俱上龍門倘後之學者更隨點曝云爾

論

書品論一

上上之

張芝伯英 鍾繇元常
王羲之逸少

隸既發源秦史草乃激流齊相跨七代而彌遵將千載
而無革誠開博者也均其文總六書之要指其事籠八
體之奇能拔篆籀于繁蕪移楷真于重密分行紙上類
出繭之蛾結畫篇中似聞琴之鶴峰嶸間起瓊山慚其
歛霧漪瀾遞扶碧海愧其下風抽絲散水定其下筆倚
刀較尺驗于成字真草既分于星芒烈火復成于珠珮

或橫牽豎掣或濃點輕拂或將放而更留或因挑而還置敏思藏于胸中巧意發于毫銛詹尹端策故以迷其變化英韶傾耳無以察其音聲殆善射之不注妙斲輪之不傳是以鷹爪舍利出彼兎毫龍管潤霜遊茲蠆尾學者鮮能具體窺者罕得其門若探妙測深盡形得勢烟花落紙將動風彩帶字欲飛疑神化之所為非人世之所學惟張有道鍾元常王右軍其人也張工夫第一天然次之衣帛先書稱為草聖鍾天然第一工夫次之

妙盡許昌之碑窮極鄴下之牘王工夫不及張天然過之天然不及鍾工夫過之羊欣云貴越羣品古今莫二兼撮衆法備成一家若孔門以書三子入室矣允為上之上

書品論二

上之中

崔瑗子玉 杜度伯度 師宜官
張昶文舒 王獻之子敬

崔子玉擅名北中跡罕南度世有得其摹者王之敬見之稱美以為功類伯英杜度濫觴于草書取奇於漢帝

詔復奏事皆作草書師宜官鴻都為最能大能小文舒
聲劣于兄時云亞聖子敬泥帚最驗天骨兼以掣筆復
識人工一字不遺兩葉傳妙此五人允為上之中

書品論三

上之
下

索靖幼安
皇象休明

梁鵠孟皇
胡昭孔明

韋誕仲將
鍾會士季

衛瓘伯玉
阮研文機

荀興長眉

幼安歛蔓舅氏抗名衛令孟皇功盡筆力字入帳中仲
將不妄染毫必須張筆而左紙孔明動見模楷皆謂胡

肥而鍾瘦休明斟酌二家聯駕八絕士季之範元常猶
子敬之稟逸少而工拙兼效真草皆成伯玉遠慕張芝
近參父迹長肩狸骨方擬而難迨阮研居今觀古盡窺
衆妙之門雖復師王祖鍾終成別構一體此九人允為
上之下

書品論四

上中之

張超子並

郭伯道

劉德昇君嗣

崔實子真

衛夫人名鑠

字茂倚

李式景則

庾翼稚恭

郗愔方回

謝安安石

王珣李琰

栢玄敬道

羊欣敬元
殷鈞季和

王僧虔 孔琳之 彥琳

子並崔家州里頗相倣效可謂醬鹹于鹽冰寒于水伯
道府問朝廷遠封其跡德昇之妙鍾胡各採其美子真
俊才門法不墜李妻衛氏自出華宗景則毫素流靡稚
恭聲彩道越郝愔安石草正並驅季琰栢玄筋力俱駿
羊欣早隨子敬最得王體孔琳之聲高宋氏王僧虔雄
發齊代殷鈞頗耽愛好終得肩隨此一十五人允為中
之上

書品論五

中之中

魏武帝曹操孟德
吳主元宗孫皓
衛覲伯儒
左子邑伯宇
衛桓巨山

杜預元凱
王廙世將
張彭祖
任靖
韋旭文休
王修敬仁
范懷約

張永景初
吳休尚
施方泰

魏帝筆墨雄贍吳主體裁綿密伯儒兼叙隸草子邑分
鑄梁邨巨山三世元凱累葉王廙為右軍之師彭祖取
義之之道任靖矯名文休題柱敬仁清舉致畏逼之詞
張范逢時俱東南之美施吳鄴下後生同年拔萃此十

五人允為中之中

書品論六

中之下

羅暉叔景

趙襲元嗣

劉輿

張昭

陸機士衡

朱誕

王導茂弘

庾亮元規

王洽

郝超

吳興

張翼

宋文帝劉義隆

康昕

徐郝秀

謝朓玄暉

劉繪

陶隱居弘景

王崇素

叔景元嗣並稱西州劉輿之筆札張昭之無懈陸機以
弘才掩迹朱誕以偏藝流聲王導則列聖推能庾亮則
羣公挹巧王洽以並通諸法郝超以晚年取譽張翼善

効宋帝康昕郗秀孤生謝朓劉繪文宗書範近來少前
陶隱居仙才翰采拔于山谷王宗素繪闕靡倫篇筆傳
于里間此十八人允為中之下

書品論七

上 下之

姜翊
羊忱

梁宣 韋秀
晉元帝景文

鍾興
識道人

向泰

范氏蔚宗
蕭思話

宋炳 王會
薄紹之敬叔

謝靈運
齊高帝紹伯

庾黔婁
羊祜叔子

費元瑤

孫奉伯

此十九人並擅毫翰動成楷則殆逼前良見希後彥允

為下之上

書品論八

下之中

陽經 諸葛融 楊潭 張炳 岑淵
張興 王濟 李夫人 劉穆之 道和

朱齡石 庾景休 張融 思光
褚元明 孔敬通 王籍 文海

此十五人雖未窮字奧書尚文情披其叢薄非無香草
視其涯岸皆有潤珠故遺斯紙以為世玩允為下之中

書品論九

下之下

衛宣 李韞 陳基 傅庭堅 張紹
陰光 韋熊 少季 張暢 曹任 宋嘉

裴邈

羊固

謝晦

傅夫人

辟閭訓

徐美之

孔閭

顏寶光

周仁皓

張欣泰

張熾

僧岳道人

此二十二人皆五味一和五色一彩視其雕文非特刻
鵠人人下筆寧止追嚮遺迹見珍餘芳可析誠以驅馳
並駕不逮前鋒而中權後殿各盡其美允為下之下

銘

團扇銘

武王玄覽造扇于前班生贍博白綺仍傳裁雲比霧裂

素輕蟬片月內掩重規外圓炎隆火正石鑠沙煎清逾
蘋末瑩等寒泉恩深難恃愛極則遷秋風颯至篋笥長
捐勒銘華扇敢薦夏筵

玉帳山銘

玉帳寥廓崑山抵鵲總葉成帳連枝起幕玉蘂難徙金
花不落隱士彈琴仙人看博巖留故鼎竈聚新荆煮石
初爛燒丹欲成桑田屢盡海水頻傾長聞鳳笛永聽簫
聲

樂府

長安有狹斜行

長安有曲陌曲陌不容憶路逢雙綺襦問君居近遠我
居臨御溝可識不可求長子登麟閣次子侍龍樓少子
無高位聊從金馬遊三子俱來下左右若川流三子俱
來入高軒映彩旒三子俱來宴玉柱擊清甌大婦褰雲
裘中婦卷羅幃少婦多豔冶花鈿繫石榴夫君且安坐
歡娛方未周

賦得有所思

佳期竟不歸春日坐芳菲拂匣看離鏡

一作扇

開箱見別

衣井梧生未合宮槐卷復稀不及銜泥燕從來相逐飛

有所思

佳人遠于隔乃在天一方望望江山阻悠悠道路長別
前秋葉落別後春花芳雷歎一聲響雨淚忽成行悵望
情無極傾心還自傷

洛陽道

微道臨河曲層城傍洛川金門纔出柳桐井半含泉日
起果愚外車迴雙闕前潘生時未返遙心徒眷然

賦得橫吹曲長安道

桂宮連複道黃山開廣路遠聽平陵鐘遙識新豐樹合
殿生光彩離宮起烟霧日落歌吹還一作塵飛車馬度

愛妾換馬

渥水出騰駒湘川實應圖來從西北道去逐東南隅琴
聲悲玉匣山路泣薜蘿似鹿將含笑千金會不俱

隴西行

借問隴西行何當驅馬征
草合前迷路雲濃後暗城
寄語幽閨妾羅袖勿空縈

未央才人歌

從來守未央轉欲訝春芳
朝風凌日色夜月奪燈光
相逢倘游豫暫為卷衣裳

詩

侍宴應令

副君時暇豫曾城聊近遊清池寫飛閣疎樹出龍樓北
陸冰方壯西園春欲周梅心芳屢動蒲節促難抽徒然
欣並命無以廁應劉

侍宴宣猷堂應令

副君德將聖陳王才揆天歸來宴平樂置酒對林泉鑪
香雜山氣殿影入池漣豔舞時移節新歌屢上絃聽曲
慙迴顧思經徒欲眠

侍宣猷堂宴湘東王應令

陳王驂駕反副后西園遊並命登飛閣列坐對芳洲桂
巖逢暮序菊水值窮秋竹逕簫聲發桐門琴曲愁

一作幽

徒奉文成誦空知思若抽

侍宴餞湘州刺史張纘

洞庭資善政層城送遠離九歌揚妙曲八桂動芳枝雨
足飛春殿雲峯入夏池郢路方遠遠湘山轉蔽虧何當
好風日極望長沙垂

侍宴餞張孝總應令

層臺臨迴漲耿耿晴烟上欲送分符人翻似河隄望寒
雲暗積水秋雨蒙重嶂別念動神襟華文切離貺慙無
寡和曲空陪郢中唱

三日侍蘭亭曲水宴

策星依夜動鑾駕總朝遊旌門臨苑樹相風出鳳樓春
生露泥泥天覆雲油油桃花舒玉潤柳葉暗金溝襍川
分曲洛帳殿掩芳洲踊躍潁魚出參差絳棗浮百戲俱
臨水千鍾共逐流

九日侍宴樂游苑應令

轍跡光周頌巡遊盛夏功鉤陳萬騎轉閭闔九關通秋
暉逐行漏朔氣繞相風獻壽重陽節迴鑾上苑中疏山
開輦道間樹出離宮玉醴吹巖

一作承苑

菊銀牀落井桐御

梨寒更紫仙桃秋轉紅飲羽山西射浮雲冀北驄塵飛
金埒滿葉破柳條空騰猿疑矯箭驚鴈避虛弓彫材濫
杞梓花綬接鸛鴻愧乏天庭藻徒參文雅雄

從皇太子出玄圃應令

春光起麗譙，屣步陟山椒。
閣影臨飛蓋，鵲鳴入洞簫。
水還登故渚，樹長蔭前橋。
綠荷生綺葉，丹藤上細苗。
顧循慙振藻，何用擬瓊瑤。

奉和泛舟漢水往萬山應教

桂棹染棠船，飄揚橫大川。
映巖沈水底，激浪起雲邊。
迴岸高花發，春塘細柳懸。
陪歌承睿賞，接醴侍恩筵。
誰云李與郭，獨得似神仙。

山池應令

閨苑秋光暮金塘收潦清荷低芝蓋出浪涌燕舟輕逆
遄流棹唱帶谷聚笳聲野竹交臨浦山桐迴出城水逐
雲峯閣寒隨殿影生

奉使北徐州參丞御

炎農稱卷領唐勛載允恭猶將表世盛尚且號民從未
如今聖主比德邁前蹤格天垂禮樂寰海置提封松榆
諒昔社方門有舊墉故鄉深帝念巡狩及時雍禁園周
百里離宮即九重浮橋還瀉渭抗殿本疏龍過沛追鄉

飲歸宛盛禮容千金登禹膳萬壽獻堯鐘依然對白水
眷言懷赤松迴天隨輦道駐日逐戈鋒路遠大風積山
長佳氣濃年光正婉婉春樹轉丰茸竹葉含初籜棠枝
發早蕈瑞木翻無鳥祥花更少蜂咸英起雲鳳率舞間
笙鏞海鷗時出沒江鱣乍唼喁雲邊開輦樹霧裏識堯
峯小人濫趨舛虛薄愧無庸皇恩不可報河清徒易逢
和衛尉新渝侯巡城口號

維城寄右戚巡警屬勤王南瞻通灞岸北眺指橫茫入

漢飛延閣臨雲出建章步逐天津遠城隨秋夜長露槐
落金氣風寮上新涼

闕

遊甌山

平子去已久餘風今復追未必遊春草王孫自不歸路
高村反出林長鳥更稀寒雲間石起秋葉下山飛西河
方閱訓詁得解朝衣

疏圃堂應詔

北宮

一作堂

多暇豫時駕總鑾鑣路靜繁葭撤輪移羽蓋

飄臨空坐飛觀回首望浮橋風長曙鐘近地迴洛城遙
疎林不礙日涸浦暫通潮徒然等賓從並作愧羣僚

尋周處士弘讓

試逐赤松遊披林對一丘
黎紅大谷晚桂白小山秋
石鏡菱花發桐門琴曲愁

一作道

泉飛疑度雨雲積似重樓

王孫若不去山中定可留

賦得嵇叔夜

山林重明滅風月臨囂塵
著書惟隱士談玄止谷神
鴈

重翻傷性蠶寒更養身廣陵餘故曲山陽有舊鄰俗儉
寧妨患才多反累身寄言山吏部無以助庖人

和太子重雲殿受戒

皇明執東曜帝宸居北辰小乘開治道大覺極蒼民殊
塗同義路分流合智津傳香引上德列伎進名臣連閣
翻如畫圖雲更似真鏡山銜殿影梅梁落梵塵苑桂恒
留雪花不待春萬年逢瑞應千生值法身天衣初拂
石豆火欲燃薪重善無論報輕毛庶有因

詠同泰寺浮圖和簡文帝

望園臨奈苑，王城對鄴宮。
還從飛閣內，遙見崛山中天。
衣疑拂石鳳，翅欲凌空雲。
鳬猶帶雨蓮，井不生桐盤。
承雲表露鈴，搖天上風月。
出琛含采天，晴幡帶虹周。
星疑更落漢，夢似今通我。
后情藝文作懷初照不與伊川同。
方應捧馬出，永得離塵蒙。

奉和竇漢高廟

昔在唐山曲，今承紫貝壇。
寧知臨楚岸，非復望長安。
野

曠秋先動林高葉早殘塵飛遠騎沒日徙

一作過

半峰寒

徒然仰成誦終用試才難

亂後經夏禹廟

金簡泥初發龍門鑿始通配天不失舊為魚微此功林
堂上偃蹇山殿下穹隆侵雲似天闕照水類河宮神來
導赤豹仙女擁飛鴻松龕撤暮俎棗逕落寒叢仙舟還
入鏡玉軸更乘空去國嗟行邁離居泣轉蓬月起吳山
北星臨天漢中申胥猶有志荀息本懷忠待見欃槍滅

歸來松柏桐

亂後行經吳郵亭

郵亭一回望風塵千里昏青袍異春草白馬即吳門
獠戎鯁伊洛襟種亂輾轅輦道同關塞王城似太原
休明鼎尚重秉禮國猶存殷牖爰雖蹟堯城吏轉尊
泣血悲東走橫戈念北奔方憑七廟略誓雪五陵冤
人事今如此天道共誰論

御亭吳大帝所建在
晉陵今作郵誤也

經陳思王墓

公子獨憂生丘壠擅餘名採樵枯樹盡犂田荒隧平寧
追宴平樂詎想謁承明日余來錫命無言事結成飄飄
河朔遠颺颺風鳴鴈與雲俱陣沙將蓬共驚枯桑落
古社寒鳥歸孤城隴水哀葭曲漁陽摻鼓聲離家來遠
客安得不傷情

過建章故臺

魯國觀遺殿韓城想舊臺仲宣原隰滿子建悲風來夏
蓮猶反植秋牕尚左開圖雲仍溜雨畫水即生苔及君

歡四望知余念七哀

和劉明府觀湘東王書

陳王擅書府河間富典墳五車方累篋七閣自連雲松
槩芳帙氣柏燠起厨文羽陵青簡出媯泉綠字分方因
接遊聖暫得奉朝聞峯樓霞早發林殿日先曛洛城復
接限歸軒畏後羣

和竹齋

百拱橫筇節千櫨跨篲竿迴龍仍作柱置笛且成樂向

嶺分花徑隨階轉藥欄蜂歸憐蜜熟燕入重巢乾欲仰
天庭揆終知學步艱

從駕喜雨

西嶽浮樽桂東皇事浴蘭敕詔還京兆歸神出灌壇濕
風含酒氣陰雲助麥寒典農欣受職治粟喜當官復此
隨車雨民天知可安

奉和春夜應令

春牖對芳洲珠簾新上鈎燒香知夜漏刻燭驗更籌天

禽一作雞

一作

下北閣

一作閣

織女入西樓

月皎疑非夜

林疎似

更秋水

光懸蕩壁山

翠下添流詎

假西園讌無勞飛蓋

遊

奉和武帝苦旱

陽山蛇不蟄
泓澤鳥猶攢
暫息流膏雨
將似怨祁寒
文衣夜不卧
蔬食晝忘餐
潔誠同望祀
惟馨等浴蘭
江嶺享上帝
荆壁奠高巒
繁雲興岳立
蒸穴動龍幡
渭渠還積水
漉池更起瀾

奉和太子納涼梧下應令

北園涼氣早步輦暫逍遙避日交長扇迎風列短簫山
帶彈琴曲桐橫棲鳳條懸門開溜水錦石鎮浮橋黑米
生菰葉青花出稻苗無因學仙藻雲氣徒飄飄

芝草

踟躕玩芝草淹留攀桂叢桂叢方偃蹇芝葉正玲瓏如
龍復如馬成闕復成宮黃金九華發紫蓋六英通隱士
蒼山北仙神海穴東隨丹聊變水獨搖不須風

詠美人

絳樹及西施俱是好容儀
非關能結束本自細腰肢
鏡前難並照相將映渌池
看粧畏水動斂袖避風吹
轉手齊裾亂橫簪歷鬢垂
曲中人未取誰堪白日移
不分他相識唯聽使君知

送別於建興苑相逢

相逢小苑北停車問苑中
梅新雜柳故粉白映綸紅
去影背斜日香衣臨上風
雲流階漸黑冰開池半通
去馬

船難駐啼鳥曲未終眷然從此別車西馬復東

侍宴

沐道逢將聖飛觴屬上賢仁風開美景瑞氣動非烟秋
樹翻黃葉寒池墮黑蓮承恩謝命淺念報在身前

侍宴餞湘東王應令

陳王從遊士高晏入承華並載同連璧雕文類簡沙落
猿時動樹墜雪暫搖花念此離筵促方愁別路賒

餞張孝總應令

江上早寒生蕭條
饒管清別筵開帳
殿離舟卷幔城前
山黃葉起對岸白
沙驚臨渦同極望
竊吹愧才經

侍宴餞東陽太守蕭子雲

東部資良守北宮
敦獻酬新枝漸接
樹故凍欲含流早
花少餘雪春寒極
晚秋徒嗟白岸遠
空想赤松遊

和晉安王薄晚逐涼北樓回望應教

向夕紛諠屏追涼
飛觀中樹影臨城
日牕含度水風遙
天如接岸遠帆似
凌空陪文慙宋玉
徒等侍蘭宮

贈周處士

九丹開石室三徑沒荒林仙人翻可見隱士更難尋
籬下黃花菊丘中白雪琴方欣松葉酒自和遊山吟

新林送劉之遴

旆轉黃山路舟纚白馬津送輪時合憶分驂各背塵
常山喜臨岱隴頭悲望秦欲持漢中策還以贈征人

奉使江州舟中七夕

九江逢七夕初弦值早秋天河來映水織女欲攀舟
漢

使俱為客星槎共逐流莫言相送浦不及穿針樓

南苑看人還

春花競玉顏俱折復俱攀細腰宜窄衣長釵巧挾鬟洛
橋初度燭青門欲上關中人應有望上客莫前還

詠美人看畫應令

欲知畫能巧喚取真來映並出似分身相看如照鏡安
釵等疎密著領俱周正不解平城圍誰與丹青競

奉和藥名詩

英王收荆楚聽訟出池臺督郵稱蝗去亭長說烏來行
塘朱鷺響當道赤帷開馬鞭聊寫賦竹葉暫傾杯

看放市

旗亭出御道遊目暫迴車既非隨舞鶴聊思索枯魚懸
龜識季主勝酒見相如日中人已合黃昏故未疎

和望月

桂殿月徧來留光引上才圓隨漢東蚌暈逐淮南灰渡
河光不濕移輪轍詎開此夜臨清景還承終宴杯

和徐主簿望月

樓上徘徊月牕中愁思人照雪光偏冷臨花色轉春星
流時入暈桂長欲侵輪願以重光曲承君歌扇塵

詠風

宋地鵑飛初湘川燕起餘掃

一作佛

壇聊動竹吹薤欲成

書蒼梧洞猶在

一作蒼崦
桐猶在

合浦樹應疎陽鳥一轉翅千

里定非虛

詠花雪

瑞雪墜堯年因風入綺錢
飛花灑庭樹凝瑛結井泉
寒光晦八極同雲暗九天
已飄黃竹路共慶白渠田

春日

桃紅柳絮白照日復隨風
影出朱城外香歸青殿中
水映寄生竹山橫半死桐
頌文知渥重搦札愧才空

七夕

玉匣卷懸衣針樓開夜扉
姮娥隨月落織女逐星移
離前忿促夜別後對空機
倩語雕陵鵲填河未可飛

歲盡應令

歲序已云殫，春心不自安。
聊開柏葉酒，試奠五辛盤。
金薄圖神燕，朱泥却一作印鬼丸。
梅花應可折，倩為雪中看。

賦得山

層雲竊峻嶺，絕澗倒危峯。
刻削臨千仞，嵯峨起百重。
行曦上杳杳，結霧下溶溶。
仁心留此屬，休奉愧羣龍。

同蕭左丞詠摘梅花

牕梅朝始發，庭雪晚初消。
折花牽短樹，攀叢入細條。
垂

冰溜玉手含刺眉春腰遠道終難寄馨香徒自饒

和晉安王詠燕

可憐幕上燕差池弄羽衣夜夜同巢宿朝朝相對飛銜
泥瞻樂善相賀奉英徽秋蟬行寂寞戀此未辭歸

詠胡牀應教

傳名乃外域入用信中京足欹形已正文斜體自平臨
堂對遠客命旅誓初征何如溜館下淹留奉盛明

暮遊山水應令賦得磧字

餘春屬清夜西園恣遊歷入逕轉金輿開橋通畫鷁細
藤初上援新流漸涵磧雲峯沒城柳電影開巖壁

奉和湘東王應令二首

春宵

征人別來久年芳復臨牖燭下夜縫衣春寒偏著手願
及歸飛鴈因書寄高柳

冬曉

隣雞聲已傳愁人竟不眠月光侵曙後霜明落曉前縈

鬟起照鏡誰忍插花鈿

詠簾燕

雙燕集蘭閨雙飛高復低
向戶疑新箔登巢識故泥
依欄本相賀近幕願同棲

奉賀便省餘秋

前對金精坂傍臨圓水池
照影礙浮葉看山通迴枝
鴈行連霧盡雨足帶雲移

被使從渡江

八陣引佳兵三河總臚舳絳天揚遠旆雷野驅長轂夜
劍動星芒秋潮驚箭服

登城北望

誓師屠六郡登城望九峻山沈黃霧裏地盡黑雲中霜
戈曜壠日哀笳斷塞風

道館

仙人白鹿上隱士潛溪邊試取西山藥來觀東海田

賦得轉歌扇

團紗映似月蟬翼望如空迴持掩曲態轉作送聲風

詠舞

飛鳧袖始拂啼鳥曲未終聊因斷續唱記託往還風

詠舞曲應令

歌聲臨畫閣舞袖出芳林石城定若遠前谿應幾深

詠主人少姬應教

故年齊總角今春半上頭那知夫婿好能降使君留

詠長信宮中草

委翠似知節含芳如有情全由履迹少併欲上階生

石崇金谷妓

蘭堂上客至綺席清絃撫自作明君辭還教綠珠舞

遠看放火

風前細塵起月裏黑烟生發燄看喬木侵光識遠城

舟中寒望

日暮敝舫舟曾冰合駛流雪照齊君履寒入楚王裘

石橋

秦王金作柱漢帝玉為欄仙人飛往易道士出歸難

詠桂

新叢入望苑舊幹別層城倩視今移處何如月裏生

賦得池萍

風翻乍青紫浪起時疎密本欲嘆無根還驚能有實

新苔

隨潮染岸石逐沫聚浮查從令阿谷麗停筐不汰沙

被執作詩

髮與年俱暮，愁將罪共深。
聊持轉風燭，暫映廣陵琴。

三日侍宴詠曲水中燭影

七言

重燄垂花比芳樹，風吹水動俱難住。
春枝拂岸影上來，還枉繞客光中度。

聯句

曲水聯句

春色明上已，桃花落繞溝。
波迴卮不進，綸下釣時留。

臣導

絳水時迴岸，花觴轉更周。
陳肴渡玉俎，垂餌下銀鈎。

王臺

卿迴川入帳殿列俎間芳洲漢艾凌波出江楓拂岸遊

庚肩吾王生迴水碓蔡姬蕩輕舟岸燭斜臨水波光上映

樓殿下殿

八開齋夜賦四城門更作四首

殿下即簡文帝時為皇太子中庶府君謂肩吾

第一賦韻東城門病

伏枕愛危光痾纏生易折無因雪岸草慮及砒山穴

徐防

消渴腠腸腑疼蹇嬰肢節如何促齡內憂苦無暫缺

孔叡

南城門老

虛蕉誠易犯危藤復將嚙一隨柯已微當年信長訣

諸葛

嶢已同白駒去復類紅花熱妍容一旦罷孤燈行自設

君

西城門死

綏心雖殊用滅景寧優劣一隨業風盡終歸虛妄設

王臺

卿五陰誠為假六趣寧有截零落竟同歸憂思空相結

李鏡

北城門沙門

俗幻生影空憂繞心塵瞋於茲排四纏去矣求三涅槃

殿下

下學輩留心方從窈冥別已悲境相空復作泡雲滅

中庶

府君

第二賦韻東城門病

空痾誠易愈有病故難痊徒知餌五色終當悲九泉

王臺

卿

已無雲山草沈痾竟誰憐復悲淪苦海何由果淨天

諸葛嶮

南城門老

昔類紅蓮草自玩綠池邊今如白華樹還悲明鏡前

下殿

壯心欲何在餘日乃西遷清樽不復樂蓬鬢豈還妍

徐防

西城門死

高堂信逆旅懷業理常牽玉匣方委襯金臺不復延

中庶

府君挽聲隨逕遠蘿影帶松懸詎能留十念唯應逐四緣

君

北城門沙門

經行林樹下求道志能堅既有神通力振錫遠乘烟

李鏡

遠一登四弘誓至道莫能先不貪曠劫壽無論促延年

孔熹

第三東城門病

纏痾緬百年自傷無五福長縈畫篋蛇不值仙人鹿

殿下

習染迷畫瓶卧起求棲宿羅襦豈再歡臨歧方土木

庶中

府君

南城門老

少年愛紉綺哀暮慙羅縠徒傷歲冉冉陳詩非郁郁

王臺

卿鶴髮辭軒冕鮐背烹葵菽松栢稍相依懽愛時睦睦

李鏡
遠

西城門死

追念平生時遨遊上苑園一沒松栢下春光徒儵昱

孔熹

結根素因假枝葉緣骨肉自應螻蟻驅值此風刀逐

諸葛

噎

北城門沙門

俗繭厭纏絲因田抽善穀長披忍辱鎧去此織羅服

徐防

願引三塗衆俱令十使伏珠月猶沈首金鉀未挑目

君

第四東城門病

紫紉未可得漳濱徒再離一逢犬馬病賁育罷驅馳

李鏡

遠已無九轉術復闕萬金竒不看授彊掌唯夢蓮花池

君

南城門老

盛年歌吹日顧步惜容儀一朝衰朽至星星白髮垂

孔

已傷萬事盡復念九門枝垂軒意何在獨坐鏡如斯
中府君

西城門死

一息於今罷平生詎可規天長曉露促千齡誰復知
下殿


華堂一相捨松帳杳難窺萬祀藏珠應千年罷玉羈
徐防

北城門沙門

深心不可染正道亦難歆方除五欲累長辭三雅卮
王臺

卿依空慮難靜習善路猶弛沒身竟靡託單孟詎待貴

諸葛
嶢



漢魏六朝百三家集卷九十九